

bus. Femina terebra longa. Subg. 2. *Tragiscocoris* FIEB.

AA. Antennæ maris et feminæ structura similes, tantum articulo secundo maris nonnihil crassiusculo, rarissime discolores.

C. Clypeus vix prominens, depressus. Caput parum convexum, nutans, minusculum. Vertex margine postico acuto. Antennæ articulo secundo brevi, latitudine pronoti postica brevior. Femora postica nonnihil vel sat fortiter incrassata.

D. Rostrum articulo primo crasso capite parum longiore. Antennæ breves. Tarsi sat validi, breviusculi. Subg. 3. *Sthenarus* FIEB.

DD. Rostrum ultra coxas posticas longe excedens, articulo primo crasso dimidium mucronis prostethii attingente. Antennæ dimidio corpore vix longiores. Pronotum lateribus leviter rotundatis, apicem versus modice angustatis. Tarsi tenues, longiores. Subg. 4. *Phænicocoris* REUT. (= *Agalliastes modestus* MEY., FIEB.)

✓ *Phænicocoris major* REUT. n. sp. *Ph. modesto* similis, sed duplo major, supra totus niger; pronoto minus transverso, longitudine haud duplo latiore, et magis convexo, tibiisque spinis nigris e punctis sat magnis nigris nascentibus bene distinctus. Habitat Galliam, D. D:R SIGNET. (Mus. Holm.)

CC. Clypeus distincte prominens. Caput convexiusculum vel convexum. Vertex sæpe immarginatus. Rostrum articulo primo dimidium mucronis prostethii attingente. Tarsi graciles, longiores.

E. Antennæ articulo secundo capituli basi plerumque distincte longiore. Caput basi pronoti saltim  $\frac{1}{3}$  angustius. Femora postica fortiter incrassata.

F. Pronotum basi longitudine duplo vel duplo et dimidio latius. Femora postica nigro-guttata. Tibiæ nigro-punctatæ et nigro-spinulosæ. Victus inter herbas.